

Tsonga - Vavasati Matsalwa - Wives Scriptures

VaEfesa 5:22-24 N'wina vavasati, titsongahateni eka vanuna va n'wina, kukota loko mi titsongahata eka Hosi. 23 Hikuva nuna i nhloko ya nsati wa yena, kukota leswi Kriste na yena a nga nhloko ya Kereke, naswona Kriste i muponisi wa Kereke, miri wa yena; 24 kutani, tanihi leswi Kereke yi titsongahataka eka Kriste, vavasati na vona a va titsongahate eka vanuna va vona, etimhakeni hinkwato.

VaEfesa 5:31,33 “Hikokwalaho, wanuna ú ta sukela tata wa yena ni mana wa yena, a namarhela nsati wa yena, kutani lavambirhi va ta va nyama yin'we ntsena.” 33 Kutani a swi ve tano eka n'wina hinkwenu: Wanuna a a rhandze nsati wa yena, kukota loko a tirhandza; na yena wansati a a ve ni xichavo eka nuna wa yena.

1 VaKorinto 7:3 Nuna a a nyike nsati leswi swi nga fanelo ya yena, swi va tano na yena nsati eka nuna wa yena.

1 VaKorinto 7:34 kutani ú kokeriwa hala ni hala. Wansati loyi a nga tekiwangiki, kumbe wanhvana, ú tikarhatela swa Hosi, leswaku miri ni moyo wa yena swi va leswi hlawulekeke; kambe wansati loyi a tekiweke ú tikarhatela swa misava leyi, ku vona hilaha a nga tsakisaka nuna wa yena hakona.

VaKolosa 3:18 Vavasati, titsongahateni eka vanuna va n'wina, hilaha swi fanelaka va ka Kriste.

1 Timotiya 2:11-15 Wansati a a dyondze a miyerile, a titsongahata hi matlhelo hinkwawo. 12 A ndzi pfumeleri wansati ku dyondzisa kumbe ku kulela vavanuna; ú fanele ku tshama a miyerile. 13 Hikuva ku rhangile Adamu a vumbiwa, ku landza Evha. 14 Naswona, a hi Adamu loyi a kanganyisiweke, kambe i wansati la kanganyisiweke, kutani a wela eku dyoheni. 15 Hambiswiritano, wansati ú ta ponisiwa hileswi a velekaka vana, loko a tiyisela eku pfumeleni ne rirhandzwini ne ku tengeni, a ri na ku tikhoma.

Genesa 3:16 HOSI Xikwembu xi ku ka wansati: “Ndzi ta andzisa switlhavi swa ku tika ka wena, loko u veleka vana, u ta twa ku vava, hambiswiritano a wu nga tshiki ku navela nuna wa wena, kutani u ta fumiwa hi yena.”

1 Petro 3:1,2 Swi tano na n'wina, vavasati lava tekiweke: Titsongahateni eka vanuna va n'wina, leswaku van'wana va nga kokiwa hi mahanyelo ya n'wina vasati va vona, hambiloko va nga yingisi Rito. A va nga byeriwi hi munhu, 2 hikuva va ta vona xichavo xa n'wina ni ku tenga ka mikuva ya n'wina.

Tito 2:1-5 Kambe wena, u fanele ku dyondzisa leswi dyondzo leyi nga yona ya xiviri yi lavaka swona. 2 Byela vavanuna lava kuleke leswaku va fanele ku dya va pima, va va ni ndzhuti, va kota ku tikhoma, va tiya swinene eku pfumeleni, ne rirhandzwini, ne ku chivirikeni. 3 Byela ni vavasati lava kuleke leswaku va va ni mahanyelo lawa vanhu lavo hlawuleka va fanelaka ku va na wona; va nga vi na mahlevo, va nga vi mahlonga ya byalwa; a va dyondzise leswo lulama, 4 leswaku va ta letela vavasati lavantshwa ku rhandza vanuna va vona ni vana va vona, 5 va kota ku tikhoma ni ku tenga, va va lava hlayisaka mindyangu ya vona hi fanelo, va va ni tintswalo, va yingisa vanuna va vona, leswaku Rito ra Xikwembu ri ta ka ri nga sandziwi hi munhu.

Swivuriso 12:4 Wansati wa migingiriko i harhi ya vuhosie enhlokweni ya nuna wa yena, kasi wansati loyi a khomisaka nuna wa yena tingana, ú fana ni vuvabyi lebyi borisaka marhambu.

Swivuriso 14:1 Wansati la tlhariheke, ú tiakela muti, kasi la nga xiphukuphuku wa wu hahlula.

Swivuriso 19:13 N'wana wo tiarisa, ú nghenisa tata wakwe etimhakeni; ku va ni nsati wo kariha, i ku tshama ndlwini yo pfuta yi nga yimi.

Swivuriso 21:9,19 Ku tshama elwangwini ra yindlu, swa antswa, ku ri na ku tshama endzeni ka yona, ni nsati wo kariha. 19 Ku tshama emananga u ri wexe, swa antswa, ku ri ni ku tshama ni nsati wo kariha, wa madzolonga.

Swivuriso 25:24 Ku tshama elwangwini ra yindlu, swa antswa, ku ri na ku tshama endzeni ka yona, ni nsati wo kariha.

Swivuriso 27:15,16 Ku va ni nsati wo kariha, swi fana ni ku tshama endlwini yo pfuta ngopfu loko mpfula yi na; 16 ku miyeta yena, swi fana ni ku miyeta moyo, kumbe ku fumbarhela mafurha!

Swivuriso 31:10-31 Wansati wa migingiriko, a swi olovi ku n'wi kuma, swilo swo bomba ha swona, ú swi tlula kule. 11 Nuna wa yena wa n'wi tshemba swinene, hikuva wansati loyi, ú gingirikela muti wa

yena. 12 Masiku hinkwawo, ú endlela nuna wa yena leswinene, a nga n'wi onheli nchumu. 13 Ú tilavela voya bya tinyimpfu ni ntsembiyani, a tilukela swona a tsakile. 14 Ú fana ni tingalava ta van'wamabindzu, ú ya kule a ya singilela ndyangu wa yena. 15 Ú pfuka ka ha ri mpundzu swinene, a lulamisela va muti wa yena eswakudya, malandza ya yena ya xisati, a ma avela ni ntirho. 16 Ú xiayaxiya nsimu, kutani a yi xava; hi mali leyi a yi bindzuleke, ú rima nsimu ya vhinya. 17 Ú yima hi milenge a titirhela, a nga tshami hi mavoko. 18 Loko a vona leswaku mintirho ya yena ya n'wi vuyerisa, ú tirha vusiku ni nhlekanhi, a nga etleli. 19 Ú tiswulela tingoti ta ntsembiyani, a tilukela ni swiambalo swa voya bya tinyimpfu. 20 Swisiwana, a nga swi tsoni nchumu, ú pfuna ni vapfumari. 21 A nga chavi loko a vona gamboko ri wa, hikuva vandyangu wa yena hinkwawo va ambele swo kufumela. 22 Ú tiendlela minkumba hi yexe, a tirhungela swiambalo swa xivunguvungu ni swa ntsembiyani wo saseka. 23 Nuna wa yena wa xiximiwa ehubyeni, laha a kanelaka kona timhaka ni vakulukumba va tiko. 24 Wansati loyi ú rhunga minceka, a tixavisela yona, a luka ni mavamba, a xavisela van'wamabindzu. 25 Xiambalo xa yena xa xiviri, i ntamu ni ndzhuti; loko a anakanya nkarhi lowu taka, a nga chavi nchumu. 26 Ú vulavula swa vutlhari ntsena, a letela van'wana hi moywa tintswalo. 27 Ú lavisia tindlela to hlayisa ndyangu, swakudya swo kombela, a nga dyi. 28 Vana va yena va n'wi tlangela erivaleni, na yena nuna wa yena wa n'wi dzunisa, a ku: 29 "Vavasati lava gingirikaka, va tele, kambe na un'we, a nga fiki eka wena." 30 Ku saseka ka nghohe ka kanganyisa, ni vumbhurhi bya hela, kambe wansati loyi a chavaka HOSI Xikwembu, wa dzuneka. 31 Wansati loyi, a a nyikiwe mihandzu ya ntirho wa yena; swiendlo swa yena a swi n'wi dzunise ehubyeni!

Pastor T. John Franklin
Church of Salvation, Healing, and Deliverance
COS-HAD.org